



## **PRESENTACIÓN**

### ***IV EDICIÓN PREMIOS FERROLTERRA EMPRENDE***

*A Asociación de Xoves Empresarios de Ferrolterra, Eume e Ortegal nace no ano 2003 a iniciativa dun grupo de empresarios que se unen non só para representar e defender os intereses profesionais dos seus membros senón tamén, para promover e fomentar a cultura empresarial e emprendedora da Comarca, coa finalidade de estimular o autoemprego e contribuír dalgún xeito a mellorar a situación económica e industrial actual.*

*Dende esta posición privilexiada de contacto continuo e acercamento cos empresarios e emprendedores da comarca, AJE Ferrolterra vai organizar a **IV Edición Premios Ferrolterra Emprende** co obxecto de premiar a labor dos empresarios xoves e o seu espírito de loita, fomentar a cultura empresarial, colaborar no desenvolvemento do noso entorno... valorando o conxunto de atributos que levan a que unha empresa estea consolidada e sexa viable.*

*Os premiados de esta edición beneficiaranse da posibilidade de optar ao Premio Xove Empresario de Galicia que se organiza de maneira anual pola Federación Galega de Xoves Empresarios (FEGAXE).*

*Este evento terá lugar o **3 de decembro de 2015** e polo anteriormente citado dende a nosa Asociación consideramos crucial a participación dos diferentes axentes sociais e económicos de Ferrolterra.*

*Ademais consideramos que é unha oportunidade de comunicación e conexión na traxectoria de todos os nosos asociados, por elo cremos moi valioso contar coa vosa presenza para intercambiar intereses e inquietanzas que é realmente o verdadeiro destino de AJE Ferrolterra.*

*Atentamente*

*José Manuel Rilo González- Vallés (Presidente AJE Ferrolterra)*

***IV EDICIÓN "PREMIOS FERROLTERRA EMPRENDE"***  
***Asociación de Jóvenes Empresarios de Ferrolterra, Eume y Ortegal***  
***[info@ajeferrolterra.org](mailto:info@ajeferrolterra.org) / 981 333 322***



## **BASES DO CONCURSO**

### ***IV EDICIÓN PREMIOS FERROLTERRA EMPRENDE***

#### ***Primeira: Requisitos dos candidatos***

*Poderán ser candidatas a participar no Premio todas as empresas radicadas nas Comarcas de Ferrol, Eume e Ortegal, tanto persoas físicas como xurídicas, sempre e cando un dos empresarios ou directivos da empresa non superen os 41 anos de idade.*

*Non poderán presentarse como candidatos ao Premio os actuais membros da Xunta Directiva da Asociación.*

#### ***Segunda: Premio***

*Outorgarase un único Premio: Premio ao Emprendedor do ano, emprendedor que teña unha empresa constituída, **calquera que sexa a súa forma xurídica**, con establecemento mercantil na nosa comarca independentemente da súa actividade principal e do seu sector empresarial.*

*O xurado resérvase o dereito de outorgar mención de honor ou accésit se a calidade do proxecto así o xustifique.*

*En ningún caso, o premio, poderá declararse deserto.*

#### ***Terceira: Ámbito territorial***

*As empresas candidatas deberán ter establecemento mercantil nas comarcas de Ferrol, Eume e Ortegal.*

#### ***Cuarta: Procedemento do concurso***

*Unha vez finalizado o prazo de presentación das candidaturas os membros do xurado elixirán nunha reunión para tal efecto ao gañador desta edición.*



*No caso de existir un número elevado de candidaturas a Asociación resérvase o dereito de realizar unha preselección dos proxectos elevando ao xurado as empresas finalistas que elixirá o gañador do premio no acto celebrado o 3 de Decembro do 2015.*

### ***Quinta: Criterios de valoración***

*O xurado conta coa total liberdade de criterio para a concesión do Premio, tendo en conta os seguintes criterios:*

- *Creación de emprego estable.*
- *Innovación do proxecto.*
- *Grao de proxección Provincial, Autonómica, Nacional ou Internacional da empresa.*
- *Conciliación laboral e familiar, respecto polo Medio Ambiente, Políticas e Igualdade de Xénero...*
- *Grao de implicación no asociacionismo empresarial.*
- *Volume da inversión realizada.*
- *Incremento de volume de mercado.*

### ***Sexta: Xurado***

*O Xurado que emitirá o fallo estará composto por diversas personalidades do mundo empresarial, financeiro e institucional que se irán actualizando a medida que a organización confirme ditos servizos.*

*As decisións do Xurado serán inapelables e adoptaranse por maioría simple. No caso de empate decidirá o voto de calidade o Presidente do Xurado.*



## **Sétima: Documentación**

A documentación a presentar será a seguinte:

- a) Modelo normalizado de presentación de candidaturas asinado e selado que poderán recoller na sede da Asociación ou na nosa páxina web.
- b) Memoria descriptiva do proxecto empresarial.
- c) Documentación creativa.
- d) Declaración xurada da veracidade dos datos facilitada por AJE Ferrolterra.

*A presentación desta declaración non exclúe posteriores comprobacións de documentos acreditativos que puidera levar a cabo o comité organizador para a verificación de datos.*

*Unha vez que a empresa sexa considerada FINALISTA:*

- *Fotocopia do Documento Nacional de Identidade.*
- *Logotipo da empresa en formato vectorial ou JPEG que se remitirá por correo electrónico a [info@ajeferrolterra.org](mailto:info@ajeferrolterra.org)*
- *Pequena descrición da empresa (en aproximadamente tres frases).*
- *Tres fotografías da empresa para presentación.*
- *Declaración simplificada do Balance Anual.*
- *Certificados acreditativos de estar ao día nas obrigas tributarias e coa seguridade social.*

### *Optativa*

- *Fotocopias de calquera tipo de certificación da empresa (calidade, protección de datos, prevención de riscos laborais, premios.)*
- *Folletos ou dossiers publicitarios, anuncios, mencións e aparicións en prensa...*

**IV EDICIÓN "PREMIOS FERROLTERRA EMPRENDE"**  
**Asociación de Jóvenes Empresarios de Ferrolterra, Eume y Ortegal**  
[info@ajeferrolterra.org](mailto:info@ajeferrolterra.org) / 981 333 322



*As empresas participantes poderán achegar toda a documentación que consideren oportuna para a correcta avaliación do seu proxecto.*

*AJE Ferrolterra resérvase o dereito de reclamar toda a documentación referida ou que estime oportuna para facilitar a realización da elección das empresas finalistas.*

### ***Oitava: Prazo e lugar de presentación de candidaturas***

*Deberá presentarse persoalmente o Modelo Normalizado de Presentación de Candidaturas, que se pode recoller na Sede da Asociación no Cantón de Molíns 8-9 Entrechán. Tamén pode remitir o Modelo por correo certificado ou por correo electrónico a [info@ajeferrolterra.org](mailto:info@ajeferrolterra.org)*

*O prazo para a entrega da documentación será ata o día 26 de novembro do 2015.*

### ***Novena: Confidencialidade do xurado***

*A documentación facilitada polos participantes estará a disposición exclusivamente para o estudo por parte do xurado e será confidencial, reservándose a Asociación o dereito a facer uso dos nomes dos participantes, imaxe corporativa e material gráfico en relación á promoción do Premio.*

*Os datos obtidos, co consentimento expreso do interesado, serán utilizados única e exclusivamente para o bo fin dos presentes IV Premios Ferrolterra Emprende.*

*O interesado pode exercer os dereitos de acceso, oposición, rectificación e cancelación en termos previstos pola Lei Orgánica 15/1999 de Protección de Datos de Carácter Persoal mediante carta a Cantón de Molíns 8-9 Entrechán axuntando a fotocopia do D.N.I.*